

評琴書屋醫畧卷二

番禺潘名熊蘭坪著

男龍章雲臺校刊
鸞章翅霓

消渴症

消有三消之分。飲水多而小便少。爲上消。食穀多而大

便堅爲中消。飲一溲一。小便如膏爲下消。

上中二消屬熱。下消屬寒。

前賢治法。上消用人參白虎湯。中消用調胃承氣湯。下

消用腎氣丸。其實皆津液乾枯病。故趙養葵先生謂凡

大渴大燥。無分上中下。用大劑六味地黃湯。加肉桂五

味。

名加減八味丸。

連劑頻進。飲渴自止。白虎承氣皆非所宜。此

趙論雖變古人成法。其中實有妙義。蓋人之灌漑一身。全賴兩腎中水火。少火能生氣。則真水自升而渴自止。加肉桂正所以溫動少火。前賢治下消用腎氣丸者。卽此意。然臨症總貴因脈變通。上消較多。先擬清燥法。

大麥冬

五錢連心

大天冬

三錢

白粳米

四錢

大生地

五錢

雪梨乾

八錢

烏梅肉

四分

加生蜜沖服。渴仍照方頻進。蜜不拘多少。與烏梅酸甜合病者。口味爲妙。酸甘蓋取其化陰。

服三劑仍渴。倘脈洪大而數。喜冷飲者。加石膏知母。

四

仍渴再加黃連甘草。脈沉弱而遲。喜熱飲者。擬方宜不合

遵養葵法。或腎氣丸中消用調胃承氣湯合四物湯。或去芎硝

君以下消宜腎氣丸。若骨瘦腿疼。宜知柏八味加杜石膏。

仲人參天冬五味

嘔吐。霍亂嘔吐見下腹痛症與此不同切勿混治

嘔吐一症。屬足陽明胃經。有寒有熱有虛。患此最宜明

辨。其因寒而嘔吐者。脈必遲。唇舌白惡飲因熱而嘔吐者。脈

必數。唇頰赤口燥渴因虛而嘔吐者。脈必虛。唇白面黃倦怠嗜卧果能因

脈辨症。施治必效。茲擬症近於熱者。立一安胃降逆輕

劑以便因症加減。

金釵斛 五錢 先煎

製半夏 一錢 半

細甘草 三分

結雲苓 三錢

化橘紅 四分

鮮竹茹 三錢

加生薑一錢同煎 或去甘草甘能守中壅氣發嘔因石斛苦故少佐耳

如確審得脈數熱盛加石膏粳米或麥冬鮮蘆根 經

方石膏粳米麥冬蘆根煎代茶止熱嘔頗佳 方内生薑橘紅或減少或不

用若脈遲有寒者去石斛竹茹加砂仁或蔻仁或獨

加方内生薑用三四錢或五六錢寒重者加至兩零

必效若脈虛屬中氣虛者去石斛竹茹加白朮人參

大棗虛而兼寒者。再加附子乾薑。至若嘔吐而寒熱往來者。少陽症也。宜另用小柴胡湯主治。

附論噎隔反胃

嘔吐症中。更有病名噎隔。病名反胃者。其人於飲食之際。氣忽阻塞。曰噎。心下隔拒。或食到膈間。不得下。故古人亦有曰隔。古人謂津液乾枯。爲噎隔病源。忌名之爲膈者。

曰隔。古人謂津液乾枯。爲噎隔病源。忌投溫補。可知誤用參耆朮以培補之。愈增其隔。悞用

薑桂附以溫煖之。益速其亡。選藥必須用清潤之品。

以急救陽明胃陰爲主。

高鼓峯謂治膈一陽明盡之

如牛乳人乳

沙參天冬麥冬地黃蘆根茅根韭汁陳酒最為要藥

選方當遵楊乘六用左歸飲去茯苓加當歸生地土

治然吾嘗用大半夏湯合麥門冬湯治之亦間有獲

效者倘刺痛大便乾結大腸無血當遵鼓峯法熟地五錢

當歸白芍桃仁麻仁各三錢以潤之如其人形體尙壯加大黃一二

錢以助血藥更妙或用酒大黃桃仁歸尾煉蜜為小丸茅根

濃煎湯送下以緩下之大腸潤利胃口自開然此症年五十下或可治五十上難

醫初病或易治久病難醫若飲食方下咽氣即上逆或刺痛啟膈

飲之重用沙參以開肺氣之鬱又不可不講究也若

朝食而暮乃吐。暮食而朝乃吐。其大便甚利。或溏者。

與膈症分別處。此中下二焦火衰反胃症也。王太僕

驗大便為最要。得入是有火也。食入反出是無火也。宜吳茱萸湯。附子理中湯。或六君

子湯加薑附治之。高鼓峯亦主王太僕之論。用八味

丸主治。然余治內人患此。用大小半夏湯。吳茱萸湯。

三方合用而痊。除噎隔症外。凡治嘔吐藥中。唐沉香汁三四分。其效倍速。

疸症

卽發黃症。遍身面目溺皆黃。原有五疸之分。黃疸。穀疸。酒疸。女勞

汗。黃疸。陰陽虛實之別。而究濕熱氣蒸為患者居多。治法

必從氣分宣通乃效。茲擬滲濕清熱。佐以宣通氣分方。
法。此症渴難治。不渴易治。

荅皮 五錢

滑石 三錢

黃芩 一錢

北杏 一錢

茵陳 三錢

梔子 一錢

蔻仁 四分

加淡豆豉三錢同煎

或重用鮮田基黃白蓮草煎湯去渣將湯代水煎藥

熱盛信用梔芩。濕盛加蒼朮。週身盡痛濕阻氣機也。

宜倍用蔻仁以開肺氣。肺主一身之氣化故也。炒銀

花澤蘭葉藿香。

葉梗

豬苓澤瀉木通萆薢海金沙腹皮。

皆芳香逐穢滲淡除濕之品。可因症參入加減。

但所因不一。治法頗多。卽女勞瘵血難療。自有方書

可考。

沈金鰲尊生引述頗詳可參考。且分別黃腫與黃疸證治亦佳。

似不煩多贅然

竊念陽黃陰黃清溫各別。每見悞治者。難免傷人。是

不得不明辨。夫陽主明。故黃如橘子色。治胃。

脈或數或緩必

有力。宜卽用上擬方。並參以所列加減各法治之。陰主

晦。故黃如曠黃色。治脾。

脈必沉弱且身冷

羅謙甫先生以茵

陳四逆湯主之。高鼓峯用四苓散加炮薑茵陳治之。

重者加附子。又有脾液外越而發黃者。

脈弱體倦無神但面身黃

目溺不黃

貧而勞苦者多。

勞則傷脾脾虛不能收攝真氣故也

宜香砂六君

子湯加減治之

附案二

酒肉連綿之會。適暑濕交蒸之時。稍不謹慎。最易犯此濕熱疽症。擬方七味。連服數劑。便可全愈。余嘗醫故交謝司馬姪年少患此。初起卽進原方二劑。病已減半。間數日再進二劑。漸愈。惟目尙黃。祇多飲烏龍茶。此茶芳香能辟暑濕穢濁之氣與薄味調養而痊。此症忌酒肉厚味葉案治疽症有云。不宜下。恐犯太陰變脹。不知亦問其症之宜與不宜耳。琴師左君逢源患此症三月餘。

服藥罔效。延余治。自述每三四日始一更衣。今已五日矣。能食。脈有力。余用茵陳蒿湯加芒硝治之。方用大黃三錢。茵陳四錢。梔子芒硝各二錢。煎好沖入酒二杯服。服後大瀉。明日硝減半服。再瀉。病稍退。隔四日仍苦便難。前方去硝。加桃仁三錢。服二貼。仍瀉二次。繼以薄味調養而收全功。

頭痛

頭爲諸陽之會。與厥陰肝脈會於巔。故頭痛一症。半由厥陰風火挾諸經火上擾所致。茲卽是議訂一方。其風

寒虛三者亦非盡無然六淫五賊之分。氣血虛實之別。前人成法。自有可稽。卽沈芊綠尊生一書引述頗詳。可因其援引而博考之。至若偏正頭風。當遵葉天士先生育陰和亢陽。柔潤熄內風一法。忝入商治。

北杏

三錢

連翹

二錢

蔓荊子

一錢

鉤藤

五錢打

白菊

一錢半

鮮連葉

四錢用邊切碎煎

熱盛加羚羊苦丁茶各三錢煎。兼感受暑氣加六

一散三錢引。

知確非由外感。

無發熱惡寒鼻塞聲重脈浮等

去北杏連翹荊子轉

用生地熟地天冬麥冬玉竹胡麻阿膠龜版鱉甲等。
選擇^{三五}味配入本方治之。此養肝體佐以清肝用法。
陰虛火浮最宜。卽偏正頭風亦可治。葉案所謂育陰
和亢陽柔潤熄內風者此也。此等症或全用靜藥。鈴
羊鈎藤菊花。或亦不用或少佐之。

附論偏正頭風

偏頭風多屬少陽。以少陽行身之側故也。誤投柴胡。
多致損目。以升散少陽耗竭肝陰故也。朱丹溪以左
屬風屬火。主血虛。右屬痰屬熱。主氣虛。遵之亦有效。

言表事 卷二
有不效其初起者不論左右。用鮮紅根地膽草頭五

錢。

如無以白茅根代之。

當歸羚羊

二味先煎

木賊天麻荆子菊花各

一錢。川芎白芷各四分。黑豆百粒煎服多效。

另有一種正頭風。數日一發。或數月一發。此乃風毒

客於髓海。服藥難達病所。故年深難愈。宜用菊花陳

茶蒸濃汁。仰臥令注鼻中。

或用生菜蔬汁

或甜瓜蒂五分。皂

角二分。細辛一分。真麝香二釐。蜜小丸。綿裹塞鼻中。

涕濕則易之。得嚏或出濁涕。竅通而痛自解。

風毒傍於腦海之旁。亦令偏頭痛。倘用育陰和陽柔

潤熄風法不效。上從鼻治三法。皆可選用。左痛從左

治。右痛從右治。亦有主左痛治右者。當並試之。又或用肉桂一

分。人言一釐。麝香二釐。辛夷細辛各五釐。胡椒十粒。

爲末。棗肉爲丸。如豌豆大一粒。放膏藥中心。貼准太

陽穴。一日當見效。因風寒而起者。更妙。如壯年火盛者。愈後服

黃芩大黃瀉火。則目自愈。

腹痛

中臍及臍上
下痛同考

臍上屬太陰。

脾

臍中屬少陰。

腎

臍下屬厥陰。

肝

當分別

治之。凡一切痛症。虛者喜按。得食則止。脈無力。實者拒

按。得食愈痛。脉有力。

藿香梗 三錢

草决明 四錢

生白芍 二錢

川棟子 半一錢

大蕎麥 三錢

細甘草 七分

舊青皮 醋炒八分

加橘柚葉二錢

鮮取剪碎 同煎

臍上痛加木香

五分 炒穀芽

三錢 中臍痛加吳萸 五

分。炒山甲 二片

皆去藿梗青皮

臍下痛加海螵蛸四錢。茜根

一錢。或再加製香附二錢。炒山查核三錢。

去藿决藹芍草五味

倘按之冷。仍須加吳萸。或肉桂若女子患此。則當歸。耗子。蒺藜。靈脂不可少。下附奇經心痛案可參。又

腹痛恒有因飲食不慎而致者。如肉食傷宜山查蓬

術阿魏食飯傷宜神麴麥牙食麴傷宜萊菔子生令
傷宜草果蒼術厚朴宿食傷宜枳實黃連蓬朮枳榔
因其所傷之物而以主治之藥爲君助以餘藥兼以
化氣痛自愈矣然而腹痛之因更有不止此者腹滿
痛而大便閉爲實有厚朴三物厚朴七物與大黃附
子湯法腹滿痛而下利爲虛有理中湯法雷鳴切痛
而嘔吐爲寒氣有附子粳米湯法慎疾者宜小心察
之。

附案